




1623\_120.jpg




1623\_121.jpg




1623\_122.jpg




1623\_123.jpg




1623\_124.jpg




1623\_125.jpg



1623\_126.jpg



1623\_127.jpg




*Histoire de nostre temps.*

127

Ouerschice en vne tauerne, deuant laquelle se  
tiennent les batteaux, que là il trouueroit lesdits  
Herman, Claessen, & luy aussi: Que suiuant cela  
le lendemain à porte ouuerte il s'en seroit allé  
de Rotterdam audiect lieu d'Ouerschice, où  
estant arriué, il auroit trouué les trois sus-nom-  
mez, & s'en seroient allez par ensemble; & arri-  
uez à la Haye apres midy, auroient prins logis  
au petit Fou, & y seroient demeurez iusques au  
lendemain, qui estoit le Lundy de deuant le  
dernier iour des Prieres, que ledit Gerritson  
sortant sur le midy, à son retour luy auroit conte  
le reste de l'argent promis par le susdit Sla-  
tius, lequel argent auroit esté trouué sur luy,  
lors de son emprisonnement, montant à la som-  
me de cent quatrevingts liures; leur disant ledit  
Gerritson, qu'ils n'eussent aucunement à se de-  
partir l'un d'avec l'autre, iusques à ce que  
on les vint aduertir, & qu'il seroit temps d'ac-  
complir ce qu'ils auoient promis: que ledict  
Geritson auroit dit que ceux de Leyden estoiet  
venus, qui denoient attenter sur la personne  
du Prince d'Orenges, & que tous trois eussent  
à se tenir prests: qu'ils auroient bien tost res-  
ponse touchant ce qu'ils deuoient faire, &  
quand ils auroient à se trouuer à Rijsvic, & que  
là seroit donné ordre en quelle maniere le des-  
sein deuoit estre mis en execution: & qu'entre  
eux auroit esté dit, que quand il seroit mis en  
execution, ils s'enfueroient par les marefcages,  
& que chacun prendroit son chemin vers sa  
maison. Qu'au mesme logis ledit Geritson leur  
auroit demandé, si quelqu'un d'eux scauoit  
bien manier vn pistolet, & que luy prisonnier

1623\_128.jpg



128 M. DC. XXIII.  
auroit respondu n'en auoir iamais manié ny  
tiré. Que luy & les trois autres auroient atten-  
du responcé iusques au soir qu'ils auoient esté  
apprehendez & baillez en garde. **TOUTES**  
lesquelles factions & menées estans tres-abo-  
minables & pernicieuses, tendantes à la per-  
turbation de l'Estat du pays, & de tous les ha-  
bitans d'icelluy, l'exposans au peril d'une ef-  
froiable effusion de sang, pour donner crain-  
te & effroy à semblables, pernicieuses & de-  
testables personnes par vn leuere & exemplai-  
re chastement.


**LADITE** Cour apres meure deliberation,  
le tout veu, pezé, & bien consideré autant  
que le cas le requiert: Et faisant droict au  
nom & pour la Souueraine Magistrature des  
Comtez de Hollande, Zelande & Frize, A de-  
claré & declare ledict prisonnier atteint &  
conuaincu du crime de leze Majesté: l'a con-  
damné & condamne d'auoir la teste trenchee  
au lieu accoustumé de l'execution de iustice,  
par l'executeur ordinaire; son corps mis sur v-  
ne rouë, sa teste plantee sur vn pieu, & tous ses  
biens meubles & immeubles confisquez.

Faict à la Haye par Maistre Nicolas Crom-  
holt President, Pierre Couvembourg de Bel-  
loys, Henry Rosa, Gelain Alleman, Guillaume  
van Bachdorp, André de Vith, René van Per-  
sijn, Iean Oom van VVingaerden, Iean Soe-  
nyeus, Iean Dedel, & Abraham vander Meers,  
Tous Conseillers de Hollande: Et prononcé  
le vingtseptiesme de Feurier mil six cents vingt  
& trois.

Signé.

F. Crip.  
Voilà

1623\_129.jpg



*Histoire de nostre temps.*

129

Voilà la reueur des trois Arrests de mort donnez contre quatre de ceux qui auoiēt entrepris d'assassiner le Prince d'Orenge, lesquels furent executez le mesme iour; Les espees & poignards qu'ils portoient Lors qu'on les prit, furent aussi rompus deuant eux auant que leur trancher les testes. Voyons de fuitte les arrests contre les accusez d'estre des principaux autheur de ceste conspiration.

*Arrest contre René de Barnevelt, seur de Groenevelt. Du 29 Mars 1623.*

RENÉ de Barneveldt Seigneur de Groenevelt à present prisonnier, ayant confessé hors les tourments de la gehenne & les fers, deuant la Cour de Hollande, Que depuis quelque temps en çà ayant par plusieurs fois tenu des discours touchant l'estat & gouuernement present du pays, avec Guillaume de Barneveldt son frere, & plusieurs autres, & quelle apparence il y auroit de le changer: Il auroit entendu de sondit frere, qu'icelluy estant allé à Leyden trouuer Bernard Duniglo, cy deuant Ministre en ladite ville, pour sçauoir comment s'y portoient les affaires des Remonstrans: Ledit Duniglo auroit dit à ce propos, Que si les autres villes commençoient, il trouueroit peu de difficulté dans Leyden. Qu'il y a plus d'un an, que sondit frere luy auroit encor dit entre autres choses, que les affaires des Remonstrans ne pouuoient estre redressees, qu'en

9. Tom<sup>e</sup>

**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**